

Cussagl da cumün

Protocol nr. 10 da ls sezzüda dals 6 lügl 2010

Staziun da trafo Institut otalpin

Tenor ledscha nun esa plü permiss dad avair staziuns da trafo in chasas abitadas. I'l stabilimaint da l'institut s'rechatta üna tala chi'd ha da gnir spostada. Il Cussagl surdà al büro d'indschegner Brüniger + Co da Cuaira l'elavuraziun dal proget. Ils cuosts vegnan integrats i'l preventiv per l'on chi vain.

„Tualetta netta“

L'idea da l'acziun „tualetta netta“ es, cha plüs gastronoms mettan a disposiziun lur tualettas pel public e quai gratuitamaing. In quist möd as poja spordscher a giasts ed indigens plüssas tualettas publicas. Dürant l'ultim inviern s'haja pudü ramassar experienzas. A man da quellas sun tuot ils pertocs pronts da cuntinuar cul proget per ün on. Il Cussagl decida da pajar a l'Hotel Bellavista, Hotel Engiadina ed a l'Ustaria Palafitta ün'indemnisaziun annuala da fr. 2'000.-- per minch'ün. L'indemnisaziun vain pajada mez per ün dal cumün e da la Ftan Turissem.

Bott-Rodigari Florentina, fabbricar oura il tablà

Il Cussagl conceda il permiss per fabbricar oura il tablà (nr. 29 A) da la chasa in Bügl Sura. I vegnan construidas trais abitaziuns. Il chantun al nord vest dal tablà vain construi plü dastrusch al cunfin da la parcella cumünala nr. 296. Il Cussagl conceda il dret da fabbricar plü daspera al cunfin da la parcella cumünala e til inscriva i'l cudesch fundiari.

Zona da privel Prui, cuntschet

Las Pendicularas sun in dovair da construir ün cuntschet sco repar da lavinas per proteger la staziun da muntogna nouva in Prui. Il Cussagl nu fa ingünas objecziuns e piglia posiziun in sen positiv invers ils uffizis chantunals e federals.

Mayer Gian-Claudio e Birgit

Ils conjugals Gian-Claudio e Birgit Mayer s'interessan per fabbricar üna chasa in Fionas, parcella nr. 2735. Il Cussagl reserva la parcella per ün on voul dir fin la fin da lügl 2011.

Archiv cultural Engiadina Bassa

Ultimamaing es gnüda fundada la „Società archiv cultural Engiadina Bassa“. Els vesan gugent d'avair da mincha cumün üna persuna da contact. Il cumün da Ftan vain rapreschantà dal cusglier Armon Lehner chi'd es responsabel per la cultura.

Concept da parcar e tempo 30

Il Cussagl decida da proceder sco segua per quai chi riguarda il concept da trafic e las masüras pel tempo 30:

1. Las masüras pel tempo 30 vegnan inviadas subit a la cumischiun da sveltezza chantunala.
2. Il reglamaint per ün concept da parcar vain preparà dal iurist dr. Rainer Metzger.
3. Il concept da parcar vain preschantà ad üna radunanza d'orientaziun d'ürant l'october ed in november vaina lura decis definitivmaing lasupra.

Il capo: sig. Reto Pedotti

L'actuar: sig. Andri Florineth

publichà als 20/07/2010